

大清光緒三十年

本館新開除禮拜外每日出報一
紙如外埠均可函致本館取
閱如外埠閱報加寄費不
也除日本英德法各國外
惜工本從廉採辦外書裁
刊印各器以待與英各紳
紙活字及各式花邊等國
西文排印工藝精所有中
印字大小機器均用精工刊

叻報

第六千八百六十六號

印工總倫敦延有文士到
寫各體文字現由上海購
刊佈所登各項原甚相宜
世道人心者附登其有無
礙於人而後始錄其有謾
成文以及支離費解者概
登錄嗣後諸君來札尚祈
自諒更須寫明里向不致
登但來稿登與不登均不
將原稿收回也本館謹白

甲辰十月十三日

Printed and Published by See Ewe Lay (一拜號九十月二十年四零百九千一英大) at No. 124-D, Cross Street, Singapore.

承頂生意告白 ○啟者石叻中街門牌二十四號同德號因生意不前將本埠同德號并外埠支店巨港同昌八打威埠同和泗水埠同記三巴冷埠同生孟加錫號朱同昌八打威號朱同和泗水號朱同記三巴冷號朱同生孟加錫號朱德記所有承頂數目經在廣東總局支理清楚目下生意照常交易所有各號被入所欠及欠人之賬項均歸朱廣元號朱松喬朱小晉討收清還朱小晉并將全權掛鈔與朱松喬所有各埠來往銀口買賣等件必須由朱松喬或朱松喬掛鈔人簽名或面訂方作實據謹此佈達
光緒甲辰年十一月十三日 承頂人朱廣元號朱松喬朱小晉 退手人同德司事股東朱楠全啟 甲辰

憶錄中秋夕聽客述柳姑軼事

漁古著

猶憶中秋之夕月白於銀旅次推窓百感鱗萃連漏初下有素心客一人來相與分柚子櫻香辛烹著作竟夕談地壘漸灑俗念旋却追銀蟾匿彩客始言歸今命管城子追紀客於談次所述名妓柳姑軼事刊諸報端使人知平康門巷中國大有人在且足以風彼脂眉輩二三其德者焉 柳姑談者忘其姓固香江昔年名校書也幼陷風塵長求解脫遂經事變仍不為挽卒能結得好因其事其人均有足傳者溯自豐職張遊蜂集舉凡墮鞭公子走馬郎皆無不以否視柳姑為榮辱柳乃陰積德頭錦以身價償老嫗即欲離却火坑無如港地雖通商口岸然尋歡買笑者非大腹賈即浮薄兒莊再數秋終無當意而奮費之積轉日以豐嗣遇粵商某甲一見傾心柳亦欣然喜曰有婿如斯得所天矣為歡未久遂作小星暫稅一棹作海燕雙棲所甲本港中某綢店東素耽風月嫵之未幾已店事日非惟因沉痾烟霞性柔懦而轉鄰溫婉柳以為可倚挾其所積願從以終居無何店已倒閉客中薪米均賴柳支持從茲兩易星霜甲竟不作旋家計柳一籌及白諸重沈沈人前焉用夫也由是屢以為難甲無以辨柳然語之曰卿言良是子豈忘家然所以遷延未決者則以家有夜叉在且已兩賦弄璋賦嬌嬌庶間必不相容况當失意還鄉又復扁舟載美恐終不利於卿卿其奈之何柳慨然曰妾自歸時已知使君有婦所以岸然無慮者自謂我能盡妾道彼又何求且天下無不可感之人妾已早為之計矣君何患焉甲無以難遂與俱返抵家見婦果以厲色相向且戒兩子暨諸婢嫗微不為禮柳怡聲柔色勇敢與較且窺甲似怯問威已之事婦益譴翌日晨雞初唱即起舉酒掃門庭暨焚香焚茗各項事無不奪自婢嫗之手而親為之且井井有條俟婦起往侍巾櫛候其晨粧竟袖出金玉釧各一雙卑詞以進曰婢子不幸幼失所恃遂陷火坑體珍寶而口珍羞損福殊甚已今何幸得侍夫人昔日之歌扇舞衣固當長篇傲首即此金銀之寶亦不敢再一沾身惟有裙布荆釵以謝前愆且兼修來世福不腆之物敢為夫人壽若蒙賞收便為婢子消却無限罪愆也婦本村落婦親此玉質瑩然金光燦爛口欲辭而心欲受愛極轉無一言柳付知其陰許親為之佩自此後嬌詞色漸和迨連日復以珍飾進且撫其兩子愛逾所生次兒方離亦依依肘下至是嬌益喜其誠而孽更無間言惟甲自賦閒後既饒早空比返數口嗽嗽所需已不貲而久沉迷烟榻不事生入業其之可知雖得妾私蓄勉為支持無如坐食山崩終有壯士無田之日從此資財盡則繼以珍玩珍玩盡則繼以衣物衣物復盡則迫不得已欲向親友輩稱貸以從詎知金盡珠頭人多避面炎涼世態亦大抵如斯耳維時妾仍無怨言且日以女紅佐升斗嬌已因貧生怨因怨成仇交謫既多遷怒及妾竟謂家門衰敗悉由野花誤折而來訴諸聲遂日以烈妾向逆來順受死罪他奈嬌嫉妬之心有觸斯發甲又懦甚無敢左右袒日者嬌以次兒忤彼意坐叱兒前欲笞以荆兒知柳素愛已急趨裙下為避撻計柳亦欲矢口為之乞有不意櫻唇甫啟驟聞座間兵一聲駭視嬌時早已掌血模糊紅殷腕袖而彌天風浪即自此而興矣 未完

諭旨恭錄

○十月初一日奉 上諭陝西陝安道員缺著張筠補授欽此○同日奉 上諭陝西西安府知府員缺緊要著該督撫於通省知府揀員調補所遺員缺劉恩補授欽此○同日 軍機大臣面奉 諭旨十月初九初十一日均著推班欽此○二十六日奉 上諭馬亮奏領隊大臣因病懇請休致一摺賜伯營領隊大臣色包西賢著准其開缺以原品休致欽此

請觀示諭 ○本日報中登有告示兩通一因發給憑照人員定期議事一因水利捕房招充公役覽之便悉其詳矣

撤銷掛砂 ○本日報中登有羅羅申及麥敬梳兩大狀師之告白一紙係因聲明振振成公司之管銀及帮理店務人陳連池現已告辭故將掛砂字據撤銷之事觀之便悉

革逐出境 ○前報叻坡護署偵緝由華海販運私烟常川往來叻地之潮人王朝慎張成加謝人李區李田等四名稟詳制府核奪一節昨聞我制軍已經定議王朝慎一名革逐出境五年張成佳等三名各革逐出境三年始准重來轄地一俟有船期即行起解回華矣

慎重名器 ○近來 皇上於保舉一事極為留意因保案濫冒時有人奏陳之故 美國聖路易賽會保案摺上 皇上深為不悅諭交部嚴核以杜濫冒嗣經慶邸跪求至再始允依議惟所保過優聞吏部仍有擬駁之議 外務部供事已屆開保之期供事及譯電處等須保者約有十六人嗣奉慶邸面諭謂 皇上時於保案指為濫冒此次務須嚴核以昭慎重名器之意外部堂司遂酌定八人開單呈送慶邸旋有朱某在慶王前叩求將其弟附列朱某之弟在譯電處已有多年慶邸允之並諭堂司將譯電處之莊邦年一併列入不日即可入告矣

錢局逃聞 ○福州銀元局自歸官局後兼鑄小銅圓以濟制錢之缺近年官局獲利民間稱便誠公私兩益也崇佑帥以船著經費大結奏准另在船廠開鑄銅圓作為放給工匠之用得有盈餘即以抵制開銷之不足足見老成謀國具有深衷也近得申江來信云七月間有某觀察來申定購機器風聞某觀察到日即廣通聲氣大督招徠酒地花天傳書作夜所往來者率為拍馬屁戴炭篋子一流人物皆向某某洋行商定機器書明歸其承辦又為割靴腰之市偷另選別處洋行與其商購且前商之機器價可從廉而後商之機器價以增貴某洋行探悉貨物平等某觀察竟背前言舍輕就重以為有心欺侮大有不與干休之意彼此反覆顛倒若非沉迷酒色思慮不到即係貪得中錢利令智昏因洋行定買機器中人例有如一回頭價愈高則中錢愈鉅也將來交涉案牘恐必由此而起官場現形記載有陶子堯辦機器一節向屬空中樓閣而今竟實有其人其事其不成為著書人之注脚也幾希垂聞某觀察因浪游無節沾染花柳疔毒至今未愈遇此棘手事件將何以善其後但素來聲勢赫赫無論公事如何總可保全無事故不妨任情顛倒也

漳州鬧教 ○漳州函云漳浦縣署令景福自以五日京兆多方搜括日下鄉辦案積案八十餘起之多毫不理結日前某案內涉及天主教民某甲該令不知審慎宣委典史程起瀾帶兵馳往該鄉拿辦教民而某甲畏官已先躲入天主堂內程捕廳於夜半親率勇差撞破教堂大門而入欲拿某甲不知如何土棍更乘機而入拆毀教堂程捕廳當時並令開鎗嚇匪不料鎗子誤傷某教民之脅以致釀成鉅案現洋總教士已面謁漳州道府請為辦理經漳州道府極力撫卹好言安慰未知如何了結云

西省勦匪 ○接西省友人來函云西撫李中丞蒞任之時帶有勇十六營到桂自為遣調現察度情形已令勇分紮各要隘地方然匪黨避不敢犯惟別處營勇則每向之環攻可見中丞之措置有方為匪畏服也○南寧府屬永淳縣與賓州交界近有由思恩地方竄入股匪劫掠村莊被匪目施阿鳳等糾黨數十人入各村搜劫擄去耕牛數十頭各村軍械甚少不敢追捕匪得賊逍遙而逸○探聞廣西自羅城失守之後全省官兵用全力對待繁於羅城江之對岸然多不得手欲與之長久相持則其勢不敵欲退則又恐其乘勢襲迫且官兵辦事胆怯心虛聞亂黨之悍悍無前咸懷恐懼而柳府城中商家因亂作之後亦紛紛搬眷每日船艇蔽江而下云○探聞潯州城內亦戒嚴桂平縣知縣夜夜出街巡邏日未暮城門即閉而尋屬武宣縣米至每斤拾文錢蓋因賊亂紛紛餘米發售賤價而沽也○探聞柳府城內軍裝局失火之後軍械頗不敷用而近日有官輪解解無烟槍千餘桿彈數萬顆並有兵餉等件至柳州附近之三江水上為匪徒所截云

拳鋒遠被 ○訪聞潮州潮陽縣屬之達濠埠有某甲從北省學得義和拳法回籍以其法煽誘鄉人學者每人納金六元立壇設像畫符習拳兩禮拜法成刀槍不能傷四禮拜法精可為人師輒轉相授蔓延頗廣且聞潮陽最甚次則揭澄等屬近日其徒又有至汕頭勸人學習者因而被惑者不少云此事確否尚未可知然以所繫甚重姑錄所聞俾潮汕有地方責者密為偵察早弭患于無形也

潮汕商會 ○潮州函云潮汕設立商會聯絡商情公舉行號三十一家為商董送登前報茲由商務總局頒發執照會萬年豐會館及同濟善堂畧云務令實力奉行認真舉辦凡一切興利除弊等事體察情形逐漸推廣所擬各商店註冊為考察商業根本亦速遵部諭妥議籌辦理云


請查鹽務 ○前有某給諫具摺奏參廣東鹽務弊端自出該省雖設清查鹽務局然辦理不善徒資中飽近年來私鹽日多以致各場收數減少實於度支大有妨礙應請飭下欽差查辦事件大臣鐵良就便入粵認真清查切實整頓以免漏卮而裕國課云云

興學阻力 ○潮州之蓬洲興辦學堂業由澄邑侯杜大令去月十五日諭限各庵尼半月內遷徙日來長慶庵尼已遵諭騰出地方古新庵尼亦既遵諭移入長慶矣而寶蓮庵尼則因有素為護法之紳士某某等以廢庵辦學之舉為不便許為保護並指引該尼向衙門中人及各鄉紳士等處運動該庵尼遂觀望遷延現限期已屆尚未搬移古新恐非由官督遷不易騰出地方以為學堂之用日來鮑江各鄉謠言四起甚有匿名揭帖謗毀倡辦斯舉之官紳紳士中竟有因是而退縮者風氣未開每辦一有益之事必有反對之者辦事之人亦多初有熱心繼無毅

力無致不成可勝慨歟

膠老機公司

售發酒池蘭萬標球地



啟者本號常有正亞美呢嬌乃地球標萬蘭池酒發售此酒由西國原庄運來酒性香冽酒味醇濃與別家嚙頭大是不同經蒙中西仕商交口稱道竊恐遐邇未及週知


大英一千九百零四年十月十七號

此乃肝膽之血丸裝式



夜不成眠及腸結之症服肝膽血丸可愈 ○茶渣久貯於壺若不合去而後烹之則茶味淡而無補飲之有害故此壺必經洗滌清潔方可復用如大便不通渣滓之物久滯於身則全體不潔百病叢生非得妙藥以攻之則貽害匪淺治結腸之藥莫妙于戴利和肝膽補血丸英國電汽師文莫君云予當學業時每赴某都某郡則覺水土不合致多疾病時有大腸閉結中心鬱悶目不合眼目則四肢疲倦欲臥在床夜則兩目眈眈刻不交睫服諸藥九毫無效驗忽一日有人送新聞紙到門予展讀之下知北敏恒地方某人得病時係服戴利和先生肝膽補血丸乃愈予是予亦試服一瓶後二日覺頗愈自此之後日益康健及畢業時疾已全愈矣且體氣壯非昔日所可比此可見肝膽補血丸之神效眾喁一辭其神效處誠百發百中難以備述焉 戴利和先生肝膽補血丸係專治風疾脚氣飲食不身虛弱血枯血竭四時疫氣腦弱頭痛風濕腰痛陽痿心跳背骨疼痛腸結痔瘡胃敗肝痛腸積腸風并面生斑點皮膚發瘡毒及一切婦女月經不調或經前經後腹痛等症試之立驗 孟嘉大藥房謹啟

謝怡和



足赤金葉首飾

金足十	金成九	金成八
每圓重一分九釐算	每望吉六十八圓二角一占	每望吉六十圓零六角三占
每錢五圓二角六占	每錢四圓七角四占	每錢四圓二角一占
每馬音四圓七角四占	每馬音四圓二角六占	每馬音三圓七角九占

茲將金價聲明列左

本號由吉隆謝慎和分支舖在星架坡大馬路玻璃署左便第三間門牌第二百十七號開張專辦上赤十足金葉精工督造各時款首飾奇巧鑲作珍珠鑽石珍奇玩寶金銀器皿家用鍍金西法電金本號金器兌出均照時價收回銀器首飾俱用足銀貨真價實童叟無欺 諸商富客光顧請認招牌為記庶不致誤

一在吉隆坡謝慎和金店
一在粵城小市街謝怡和金店

以便 貴客來往兌換

光緒三十年六月初二日

漆木街謝怡和號謹啟

特此廣告如諸君嗜飲此酒者請移玉到敝號購取貨真價實當知余言之不謬也此佈 英一千九百零四年八月十七號 新嘉坡大坡墊那頭路恒興謹啟

中立諸談 ○日俄之戰關係甚大當俄皇送兵之日例有禱祈於是保羅視曰願上帝助我國軍隊馬到成功所至披靡悉復失地俄國雄風上帝領之日軍發遣之日保羅亦祝曰願上帝默佑一戰勝強達我目的我武維揚於國有光視畢上帝又領之然兩國戰場乃在清國土地中國大受影響糜躪難言於是亦祝曰但願兩國皆北終無一勝以安我陵寢以還我疆土惟帝憐之上帝點首顧向左右曰日軍保護神安在奏曰現在奉天率兵攻擊又問俄軍保護神安在曰在旅順引領炮艦守禦上帝於此頗覺兩袒為難無所可否沈思久之乃曰既下界有中立之例朕為天上人厭聞理亂毋仍循中立可耳

續哈爾濱調查記 ○為西伯利亞鐵道之本線通達貝加爾湖及俄本國其支線則橫斷黑龍江該處河流航路之源可通斯德列夫司克及海參威之南東清鐵道則達牛莊青泥窪及旅順各港而與航海之路連絡光緒二十七年十月計由哈爾濱開行之貨物列車每日扯算約三十次此外並有臨時列車扯算日約開行十八次○哈爾濱原為俄國東洋軍隊及管理鐵道中心點所建設其後俄國政府又復熱心竭力謀其商工二業之進步哈爾濱個人之商工業多西伯利亞猶太人出資中國人開亦有之並集巨款以建壯麗之旅館及集會所等惟管轄正市街中無論何人均不准建置私產○哈爾濱之市街最初建設者為舊市街其地價昔年一平方俄丈即四十九平方尺價值一羅布現今其價大漲昂至三羅布次為管轄區市街係光緒二十七年所建其始建築現在高樓大廈鱗次櫛比共計約有八百五十所建築之費不下八百羅布近來又從管轄區市街推拓二大市街該市地價視地勢優劣每平方俄丈或售二十羅布至四十羅布不等若輩因此暴富者頗多地價二百萬羅布此項地皮多為專營產業者收買後以善價轉售他人每平方俄丈或售二十羅布至四十羅布不等若輩因此暴富者頗多據布設滿洲鐵道俄國技師言俄國經營滿洲鐵道需費二億七千萬羅布合諸堡壘以及旅順口青泥窪哈爾濱等市街建築之費共計不下五億羅布云○哈爾濱為全滿洲鐵道管理之中心點亦極東俄國商工業發達之中心點故諸種行政局裁判所及軍事局之本營亦歸警備西伯利亞鐵道之數萬軍隊管轄行政區之市街除有以上局所外其餘亦皆公共之建築物以及官吏人等官舍公宅等頗多茲將管理區市街之建築物及所需之費列表如下 終位千羅布 市廳一二〇〇 鐵道局二五〇〇 病院六二六 商業及女子學校五〇〇 專門學校二五〇 其他學校八所 九六 備夫會館三七〇 旅館一六三 俄清銀行○哈爾濱市中之松花江河極便舟楫該市街上流為溯松花江支流分派之處距哈爾濱約二百英里小汽船及漕運船等往來不絕該市街通商之發達蓋有莫大之便利在也航行哈爾濱黑龍江之汽船每年以四月至十一月為期日日往還不稍間斷其船體輕快行駛極速船艙有上中下三等乘客常載搭客之外並載哈爾濱黑龍江河口之貨物

舊案重提 ○日前本坡國家因為輔署內有人假冒銀籍二千八百餘員前往渣打銀行騙領存款經將該署之葡人書記某甲拘交臬署訊鞫時因向無確據將甲省釋一節其詳前報茲悉國家近派五百廿一號暗差賈文前赴閩省英領事署轉照華官得將當日持籍親赴銀行騙款之福清車夫鄭弟緝獲回坡故再傳票逮甲并部工局葡人書記某乙以便歸案再行詳鞫十一日曾經過堂被告同延勿羅力狀師代訴准將此案展限念一日乃鞫每名署保五千員乃獲在外候審

逞兇傷人 ○西哲有言愛國心者由愛鄉心所擴充而成者也又曰國家二字家族二字之放大影相也中國民族團體方趾蓋自箇人而家人而鄉人而國人宜莫不有同種之感情矣乃愛根薄弱之下流社會動輒墮壘未平往往往以芥蒂微嫌弄兵相向此等野蠻習慣勞動家尤數見不鮮初十日下午五占鐘粵人朱喜朱善兩人在丹戎巴葛碼頭充當小工有全籍全業人名崩雞華者同在執役不知緣何齟齬華與朱喜鬧作一團愈鬪愈酣華以短兵相接再被刺股血流至足朱善向前阻勸左手被華揮傷時雖鳴捕因無巡差馳至是以華得脫去現已報聞附近該處捕房請緝矣

草聖重來 ○高麗尹溪石先生書名遍中外并所傳真參確能療諸疾苦叻為舊遊之地諸人士想已週知頃聞先生重復來坡寄寓馬交街廣福興號內此欲帶有汪六吉號精工裱就之書畫及頂庄真參來叻書則忽現挾石渴驥奔泉參則活命靈丹養生至寶想求參購畫者又必戶限為穿矣記者知之確而仰之深故喜而為誌於報

慘被刃傷 ○昨夕六點鐘時水仙門福南街九龍堂藥肆騎樓下有擺賣飯食之粵人李生被人刃刺殞仆坊人當時鳴差不及故被兇手遠颺後由國家差昇李生前往官醫察驗半途斃命檢查屍身乳旁慘受一傷小腹一傷前陰三傷填格明白以俟呈報隨據屍兄李達訴稱伊叔李德向來在該街開設飯食生意伊弟李生在此傭工福緣與比鄰之擺賣米粉某全籍人同行敵國久已有實逼處此之嫌是夕唆使粵人何輔即崩牙輔前來尋釁備極橫逆復敢運動其辣手腕致弟於死似此無法無天實屬異常膽玩云云又云伊弟梓鄉向有少妻時有函催伊弟返里已擬東還惟伊叔謂用人孔亟故未忍重違叔意不料蹈此不測之禍語竟鳴嗚聲淚俱下見者憐之所聞如是未識兇手猶能弋獲否也

收贓被逮 ○福清人余三妹住阿啡路門牌一百三十六零十四號因窩藏私家手車二乘東洋車三乘被一號並九號二暗牌差偵悉均屬盜贓隨率獲余三妹並其全籍人黃琳蔡興等三名候交府訊

圖竊入獄 ○福清人王朝高居住慈美芝路門牌一百三十一號東洋車館昨下午三點餘鐘被粵人陳鴻清身入屋意欲圖竊聞呼二十六號差拘案查前犯案一次今午堂訊官判入監三個月另責五藤以儆

車盜定獄 ○閩人朱琳居住谷里路門牌第六百十七號被瓊人陳珠言盜車一輛值銀二十元由十號二書差拘案官判入六禮拜之獄

如同朝露 ○閩人吳勝因前犯查案定監六個月於今晨六點鐘時候因患腹瀉症庚曉獄中○又潮婦麥芷前月十八日因瘋癲入院安置亦於是早在院身故

離異聲明 ○啟者于石照合會納助產婦蔡大娘為妾已歷十年不意本年八月初間出門一去久不歸家茲特登報聲明此後于石照合不認蔡大娘為妾倘有在外交涉各事均與于石照合無干特此聲明免滋後論
光緒三十年十一月十二日 石照合謹啟

司事聲明 ○敬啟者敝號住新嘉坡甘公毛六甲甘猛實得力門牌五號做蜜生理用楊三吉司生理事務今自本月初十日楊三吉停理生理事務倘諸 寶號如有經手往來者不干敝號之事先此聲明以免後論特此佈 聞
光緒三十年十一月十一日 萬茂興謹啟

司事人撤銷掛吵聲明 ○啟者持 通知茲因本坡協振號振成公司所用管銀及帮理店務人陳連池現在經已告退而前當一千九百零三年忽民末月十四號時由陳連池代該號所立交與陳連池之掛吵字據今已作為廢紙特此佈 聞
大英一千九百零四年十二月十七號 代理協振號振成公司大狀師羅羅申 麥敬梳全啟

保險宜知 ○啟者茲緣敝號自來辦往各港之貨盡在本坡普安公司投保保險向來如意近因本月初一夜有貨交由數大船意欲駁至萬和順輪船運往坤甸不料各大船駛至中流遽遭沉沒貨物盡付汪洋敝號即向該保險公司報明該公司立即飭伴前去查明實據隨將敝號所有投保該貨本銀即日如數賠償所謂快捷之極謹登報鳴謝並以告投保者宜知所嚮往焉此佈
光緒三十年十一月十一日 十三行後承利順號謹啟

憲示 大英欽命新嘉坡輔政使司 為招人投票事照得本國家現欲招人入票承充工役為此示仰商民人等一體知悉汝等有欲承充此役者其票當于西一千九百零四年利心末月二十號即華十一月十四日中午以前投交本署以憑選擇茲將所作之工開列
新嘉坡船政司在浮羅勿勝里島所設水利捕房內充當工役

示 如欲知其詳細者每日辦公之時可向營造司署大才副查詢凡投票者其票外必須寫明投交本署承充該工字樣并向營造司署大才副取耐印便之票簡照式填寫方能合用至于棄取之權任由國家核奪各宜踴躍慎毋觀望切切特示
大英一千九百零四年十二月十七號 給

承頂聲明 ○啟者錦山棧齡記外水九八兼批局雜貨生理於十月十七日有登叻報聲明河東齡記莊洙源等承舊夥全盤生理等語嗣因河東無暇預及今原盤生理仍歸莊洙源自己承頂乃易富春庭記棧此後生理盈虧不干河東齡記之事其交易往來收賬提貨一切單據須蓋富春庭記棧印兼有莊洙源押手號方足為憑此佈
光緒三十年十一月初七日 河東齡記莊洙源謹啟

拆股聲明 ○啟者新嘉坡吉寧街門牌第六十二號崇發號糖米什貨生理原係陳文撞記 陳國良記 蘇崇立記 陳媽超記等四人開創今因陳媽超記志圖別業願將股份抽出聘請到公親許正伯駕臨秉公核算將陳媽超記應得股份本利當公親面前歸割清楚倘若陳媽超記與外間諸寶號交易以及揭借滙兌等項限期由本月初六日起于一禮拜內前來敝號訂明如屆期不到乃係自誤亦與承頂人陳文撞記 陳國良記 蘇崇立記等無涉此後崇發號生理盈虧概與陳媽超記無干先此聲明以免後論
光緒三十年十一月初六日 崇發公司陳文撞記 陳國良記 蘇崇立記謹啟

穆拉油名班演劇 ○啟者本班名葉朝棟之穆拉油戲現已到叻定於十三月十一晚即本拜一夜在慈美芝律第四百四十九號門牌園中開演呂岩夏故事諸君欲知客位單價請親本班分派之單張便悉此佈
大英一千九百零四年九月十四號 光緒三十年八月初五日 本班主人亞武馬加謹啟

男女百病藥酒發客 ○啟者天德堂本號住在小坡海南公司後大馬車路墘發賣男女百病藥酒以治寒熱往來骨節疼痛婦人產後冷風痲風等症服者立效本先生住在山頂巴密黎峇每一禮拜到店視症輕重或六個月抑八個月抑乙年此藥酒服之即愈立效如神此佈
光緒三十年八月廿一日 蘇紹烈謹啟

精製印稿墨水發售

○啓者西人修函必印底稿欲免錯悞遺忘之弊誠善法也然而所用印稿墨水寫字必須振筆疾書稍一遲留便防撇過畫致有墨痕外逸印成函稿亦復難免模糊有此弊端仍屬美中不足茲有格致之士新製印稿墨水一種所書函札印存底稿均無濃痕瀉出之嫌確能隨筆所書一絲不走似此盡善盡美足徵利用無窮近將此種墨水寄託本館爲之代售廣今特爲傳佈銷場加以藉擴物美價廉一試便知其妙矣此佈 甲辰年三月十四日 本館謹啓

新屋招租 ○啓者茲有新屋十間其五間坐落絲絲街實得力餘五間坐落寶丹尼實得力屋背相連至西本年實添末月一號可以完工居住 諸君有欲租賃者請到尼亞美拿實得力門牌第七號萬拿施土庫內面商便悉此佈 大英一千九百零四年八月五號 萬拿施土庫謹啓

保命良藥 ○本藥房茲有新到大麥字號代乳粉此粉內存補腦筋補氣血之品兼大麥精粉合製而成專治長幼脾胃軟弱食後肚痛口出酸味精神不足及一切飲食不消脾胃作痛等症小兒初生其母乳缺者可將此粉一匙或半兩之則沖滾水半杯時時與食亦可代乳且長大之時腦筋有力肌肉骨壯大聰明敏捷西國人常用此粉與其子女日食故當今洋人較我華人格外機巧雄壯凡我同人遇有胃痛頭痛腦筋無力及小兒缺乳者即可服食此粉以養身體幸勿輕忽 大麥字號考膏粉服法與代乳粉相同唯內多存考膏粉一故其功效更巨小子五歲以下勿服因性太補故也 ○大麥字號餅乾 此餅內有補腦補筋補胃之功用故凡體弱胃敗者可當小點時時食之即可開胃進食精神充足非市上所售羅知餅可同日語也若用代乳粉或考膏粉當茶餅乾當飯三餐飲食之一旬之間則覺血氣豐滿身體強壯可知此粉此餅乃補身補體之佳品也 ○代乳粉每罐一磅重價一元 考膏粉一磅重價每罐一元二角半 餅乾二磅每罐價一元二角半 大英一千九百零四年十二月一號 新嘉坡土庫街門牌十四號孟嘉大藥房發售

上海香港置業按揭積聚有限公司情形 ○上海香港置業按揭積聚有限公司創設於一千八百九十八年專做購置地段建造屋宇按揭銀兩積聚生息之生理此項生理在東方各通商口岸從未有人辦過該公司其嚆矢也原創股東實備資本銀二十萬兩一千八百九十八年五月一號生理始創時僅上海銀八千兩第一年底計有上海銀五萬五千七百一十五兩第二年底計有上海銀一十六萬八千八百五十三兩第三年底計有上海銀四十萬七千八百六十二兩第四年底計有上海銀五十九萬三千一百二十二兩第五年底計有上海銀六十六萬一千三百二十五兩一千九百零三年八月一號已有一百萬圓之譜四年內所獲利息更有一分六釐計算即此已足見其興旺情形蒸蒸日上凡在東方各處之公司其振興之速獲利之豐當以該公司爲首屈一指去年更在本坡及檳城設立代理人即吧智仲西閣公司爲之代理並舉名望華商四位共爲董事即陳君若錦余君連城邱君雁賓林君天蔚是也聞吧智仲土庫及該土庫之總實地靈呀級沙叭級西閣宜目勝蘭土庫之總密衛陳君若錦烟酒公司之陳君謙福滙豐銀行之薛君有文萬國銀行之宋君金榜渣打銀行之蕭君捷麟陳君佛源暨該公司之華人董事等均佔有該公司股份從此不獨上海香港利權爲該公司所及即本坡檳城暨南洋羣島亦爲該公司利權所到似此微特生理穩妥亦且商務宏遠而所訂積蓄銀兩按年交納及期償還之法附儲之人不但得有利息且獲溢利此尤體合利與眾同之意其積蓄銀兩之法依期交附每股定銀十二元以八年爲期而憑單或以十年爲限或以十五年爲限或以二十年爲限譬如寄存一百股每年該銀一千二百元八年共銀九千六百元十年之憑單期滿之時價值一萬二千六百四十元三角另加預計溢利六千一百八十六元三角共銀一萬八千八百二十七元二角十五年之憑單期滿之時價值一萬七千八百五十一元六角另加預計溢利一萬五千二百八十四元七角共銀三萬三千一百三十六元三角二十年之憑單期滿之時價值二萬四千九百四十八元另加預計溢利三萬三千六百零四元六角共銀五萬八千五百五十二元六角其善權子母積少成多真儲蓄最良之法也聞該公司自去年設立代理人以來附儲者已不乏人如陳君若錦蕭君捷麟及余君連城邱君雁賓林君天蔚陳君恭錫陳君謙福薛君連錫等均有附儲生息此外人衆太多不能備錄按此蓄積生息之法不但宜於富裕之家即贏餘公款積蓄存項或欲給子女之費及食力之輩年中瞻餘皆可附儲生息即能積少成多以備不虞之用度況該公司尤極穩當與寄存銀行無異其利息之厚比之銀行猶如霄壤有意積蓄者可免躊躇也何以見其生理穩當該公司之實業現在上海有地三十五畝已撥十二畝建屋三十八間尚餘地段二十三畝欲添建屋宇六十間價值三十萬兩俟此屋宇告成之後擬在香港及本坡等處大加擴充購置屋宇聞上海產業界諸君詩屏遊滬時曾經目親乃在通衢大道闊朗之區異日價值何止倍蓰云該公司在香港廣東省城天津芝罘漢口小呂宋及各荷蘭州府俱設有分局其生理穩當商業宏遠實非一人之私言即謝君詩屏梁君仁甫陳君卓梅劉君錦伯均有函獎譽其生理之穩固經理之盡善此固無待贅述 諸君如欲查察該公司一切詳細情形者祈請到巴智仲土庫向該公司之南洋分局總理人羅巴爵詢問便知并可取閱上海滙豐銀行買辦席君正甫和蘭國銀行買辦虞君治卿及慎裕公司朱君葆三之原信以示不虛 大英一千九百零四年正月六號 新嘉坡代理人巴智仲西閣土庫謹啓

頂上法國保家舊萬年池酒發售

啟者向來此標之酒并未沽與本坡商店此酒味香質美價又相宜今

因欲使眾人試飲此種伊燕疊尼之舊萬年池酒定于數月之內祇收
半價實在此酒比之所收之價其值幾倍本公司可以保家確在法國
最大廠所造製酒本公司照例販運此酒來叻行銷因恐有人假冒故



將標頭登報此標之上

刊有一熊諸君有欲

沽買者請認明標頭庶

不致誤而本公司并非

長久賣此最廉之價



大英一千九百零四年三月十號

代理人牙直里有限公司謹啟

諸君幸勿失此機會不為採購且此酒之味永不改變非如他標之

酒久則變味此種熊標伊燕疊尼萬年池酒在以下所列之店均可

德茂公司 怡昌公司 陳大耳公司 文成公司 廷貴公司 及

各客沽酒牌之店皆有出沽欲購大宗請 玉臨本公司可也此佈